



## Tus tshuaj Paxlovid

### Q: Tshuaj Paxlovid yog dab tsi?

Tshuaj Paxlovid yog ib hom tshuaj siv rau kev kho mob txog Tus Kab Mob Khaus Viv-19 (COVID-19) uas mob me ntsis-txog rau-mob pes nrab. Teb Chaws Mes Kas Lub Chaw Tswj Xyuas Khoom Noj thiab Tshuaj (Food and Drug Administration, FDA) tau tso cai pib siv tau nws nyob rau Lub Kaum Ob Hlis Ntuj 2021 lawm. Tus tshuaj Paxlovid raug los mus kho kev sib kis mob los ntawm Tus Kab Mob Khaus Viv-19 (COVID-19), tsis yog los mus tiv thaiv nws.

### Q: Tus tshuaj Paxlovid nod siv tau rau leej twg?

Tus tshuaj Paxlovid nod yog siv tau rau cov me nyuam yaus uas muaj hnuv nyoog 12 xyoos uas hnyav yam tsawg li 88 lbs.(40 kg) thiab cov neeg laus uas muaj kev pheej hmoo siab heev rau kev sib kib tau Tus Kab Mob Khaus Viv-19 (COVID-19) hnyav thiab cov neeg uas raug sim kuaj mob pom tias muaj Tus Kab Mob Khaus Viv-19 (COVID-19) lawm. Qhov no muaj xam nrog rau cov neeg muaj hnuv nyoog laus dua 65 xyoos los sis cov uas muaj cov zwj ceeb mob xws li tus kab mob khees xaws, mob plawv, cov zwj ceeb mob ntsig txog leej twg uas zoo tsis tu qab los sis mob ntshav qab zib.

Cov neeg uas muaj kab mob siab loj, kab mob raum, los sis muaj ib qho kev txhaum fab txog rau ib ntawm tus tshuaj nod cov khoom sib tov uas coj los ua ib yam (xws li zaub los sis tshuaj) yuav tsum tsis txhov siv tus tshuaj Paxlovid nod. Cov neeg uas muaj kev sib kis kab mob ej (human immunodeficiency virus, HIV) uas tsis muaj kev tswj xyuas zoo yuav tsum tau sab laj tawm tswv yim nrog lawv tus kws muab kev saib xyuas kho mob rau fab kev noj qab haus huv ua ntej yuav siv tus tshuaj Paxlovid.

### Q: Yuav txhaj tus tshuaj Paxlovid nod tau li as?

Tus tshuaj Paxlovid nod yog noj ntawm qhov ncauj mus. Qhov yuav noj ntau npaum li cas feem ntau mas yog peb ntsiav uas yog ob zaug toj ib hnuv mus kom txog tsib hnuv. Nws tseem ceeb uas yuav tsum noj kom txog 5 hnuv txwm nkaus raws li tus cai kev kho mob thiab yuav tsum ua kev caiv nyob ib leeg raws li cov lus muab tswv yim

qhia ntawm feem saib xyuas kev noj qab haus huv ntawm pej xeem. Yuav tsum tsis txhob noj tus tshuaj Paxlovid ntev tshaj 5 hnuv.

**Q: Tam sim no puas tau muaj tus tshuaj Paxlovid?**

Muaj lawm. Tab sis mas thaum xub thawj, nws yuav muaj tsis tshua txaus siv pes tsawg. Thaum xub thawj, nws nws yuav raug siv rau nyob neeg uas muaj kev pheej hmoo siab tshaj plaws. Thaum twg muaj ntau txaus siv lawm, thiaj mam li muaj siv tau yam dav fo.

Rau kev paub ntau ntxiv, mus nyeem [phau ntawv muab lus qhia paub txog tus neeg mob](#).

**Kev muaj peev xwm nkag cuag tau rau daim ntaub ntawv:** Rau cov tib neeg uas muaj kev xiam oob qhab los sis cov tib neeg uas hais tau ib hom lus uas tsis yog Lus As Kiv, Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) muaj peev xwm muab tau cov lus qhia paub sau ua lwm hom ntaub ntawv xws li muab txhais ua lwm hom lus, muab sau ua tus tsiaj ntawv loj, los sis muab sau ua cov ntawv su uas cov neeg tsis pom kev siv tau. Tiv tauj rau Lub Chaw Ua Hauj Lwm Saib Xyuas Cov Lus Qhia Paub Txog Fab Kev Noj Qab Haus Huv (Health Information Center) ntawm tus xov tooj 1-971-673-2411, 711 TTY los sis [COVID19.LanguageAccess@dhsosha.state.or.us](mailto:COVID19.LanguageAccess@dhsosha.state.or.us).